

爾

雅

新

義

爾雅新義卷第四

陸氏

仁和宋大樽校

釋言

迨及也

正猶以爲怠迨也逮樛木之事及小星之事迨標有梅之事

冥幼也

降下也

傭均也

戰功尚多民功取均而已

強暴也宛肆也

暴男子之強宛婦人之肆

肆力也

是致是附德也是伐是肆力也

侏戴也

吾有求焉則戴爾矣

瘞幽也

若騎箕尾發爲昭明在上也

釐屬也

烘燎也

熾炷也

怒火也竈怒在丙炷怒上達

陪朝也

陪大夫也朝坐燕與詩曰以無陪無卿

康苛也

苛生于安忍

樊藩也

園爲其援之也故□

原本作口誤

之樊爲其非之也故

楸之

賦量也

量天之所賦亦人之所賦

糗糧也

量而食之乃可長也

庶侈也

若左氏魯僖公之頌庶矣

庶幸也

庶幸也庶幾尚也

筑拾也

筑拾琴瑟之餘

獎駟也

駟見壯大若九方臯相馬得其精微而遺其麤粗

案說文麤粗本兩字後人通用非說見盧氏昭鍾山札記

集會也

三以上爲會遇偶而已春秋傳曰遇者一君出一君要之也

舫泐也

洵均也

洵龜也

逮逌也

逮尾相及逌目相及

是則也畫形也

是者則也畫者其形似爾故曰古之人與其不可傳也死矣然則公之所讀者古人之糟粕已

賑富也

以其餘振之子曰孰謂微生高直或乞醯焉乞諸其鄰而與之

局分也

其分則有局矣故曰楚人亡弓孔子聞之曰忘其楚而可矣老子聞之曰忘其人而可矣

憐怒也

雖怒猶霽也敬天之怒于是爲甚

僇聲也

師曠曰南風不競多死聲楚必無功是之謂僇

葵揆也

能揆日向焉

揆度也

葵天子之事茹諸侯之事

逮及也

怒飢也

以意逆志怒可謂飢矣



珍重也

獵虐也

獵追而殺之虐矣

土田也

禮天子之卿之田視伯孟子言卿受地視侯則地有不皆田故也所謂三分去一蓋如此

戍遏也

戍遏之而已

師人也

軍車也則師人也

砮輦也

棄忘也

孔子曰以不教民戰是謂棄之

鄙閑也

所謂選徒鄙鄙

謀心也

書曰謀及乃心

獻聖也

記曰仁義接賓主有事俎豆有數曰聖

里邑也

鄰不爲邑邑口而口之鄰吝也

襄除也

襄卻而除之也漢令曰解衣耕謂之襄蓋織者日進耕者日退

振古也

所謂振古如茲古古如此

懟怨也

懟以有所對詩曰弁彼鸞斯歸飛提提

綢介也

綢婦人之介詩曰無感我悅兮

號謬也

見虎而号爲號見虎而言爲謬

凶咎也

苞稂也

包者其真也故曰鑿一竅七日而混沌死

遁寤也

方其夢時周與蝶了不相干

頽題也

以正在上股肱承焉所謂國是取定於我

猷肯可也

肯甚可也猷僅可之詞春秋傳曰求車猶可也  
務侮也

事爲戲則務爲侮矣

貽遺也買賣也

貿有無相資貽遺之而已

賄財也

才之也故有之謂之賄未有無悔者也

甲狎也

焚騅也

騅在青白之間亦在青黑之間

莢亂也

所謂葭莢揭揭義在亂也

粢餐也

食粢爲餐詩先不素餐兮以此

渝變也

俞之而變春秋傳曰其盟渝也

宐肴也

撰之以物宐

夷悅也

夷亦悅也言有積次爾

顛頂也

造形上極無非倒者據天下莫大于秋毫而泰山

爲小

耄老也

禮七十有不得謝者

輜輕也

猶有猶之輕也中庸曰毛猶有倫無聲無臭至矣

賤淺也

綯絞也

訛化也

訛化而或訛詩曰四國是遘遘固也不復訛矣

跋躐也

蹙踰也

烝塵也

亦久所以生塵埃是故聖人不積

戎相也

詩曰烝也無戎言雖有戎事猶無相

飫私也

飫私恩也饗公義也

孺屬也



幕幕也

幕蔽天明者

煽熾也熾盛也

煽風也熾火也

抵本也

窕閒也

淪率也

淪其理也惟而見罔焉毒矣

罹毒也

詩曰逢此百罹百憂百凶毒不必憂凶有憂之大

者

檢同也

爲其同也故檢之弇仁也檢義也

郵過也

郵在垂不在中

逌逌也

斃踣也

斃弊而死

債僵也

僵而死債也

眇眇也

有眇則有眇有眇則有障

曷盍也

詩曰曷不肅雍甚言之之詞于嗟乎騶虞雖甚言之猶不足乎緩詞也于嗟麟兮至矣

虹潰也階閭也

虹潰而已閭或階之

韌膠也

刃之也故膠之莊子曰不斷惡用膠

孔甚也

甚則隙生焉

厥其也

其之矣厥也列子曰有指不至

戛禮也

擊樂也戛以止之禮也

闕臺也

囚拘也

有所拘則囚矣

攸所也

始舍之罔罔焉少則洋洋焉攸然而逝

展適也鬱氣也

今日之所前日之拘也今日之鬱前日之展也

宅居也

宅所居也彼居之者直寄焉爾

休慶也

祈叫也

祈叫也禱或默焉

濬幽深也

幽自深濬使之深

哲智也

弄玩也

尹正也皇匡正也

尹正之而已皇匡而正之

服整也

葛覃曰服之無斁

聘問也

聘問而已若有言則以束帛如享禮

愧慙也殛誅也

愧愧其心愧德也殛刑也

克能也

克商可也克段不可也

翌明也

今日爲主明日翌之

訕訟也

訕訟之終也董仲舒曰周室之衰亡推讓之風而有爭田之訟據此節南山蓋刺訟之詩也

晦冥也

奔走也逡退也

退乃有逡焉卽奔顛沛矣春秋傳曰自是奔之齊蹇仆也

有難而退遑也自非周公未有不仆者也

亞次也

亞于元爲亞有善而惡亞之莊子言跖以爲柳下  
季之弟如此

諗念也

以其言念之

屈極也

若無極也豈有屈哉

弇同也弇蓋也

爲其同也故弇之



惘痛也

心于所同則痛矣孟子曰越人彎弓而射之則已談笑而道之此無他疏之也

握具也振訊也

具所握也卽振冤滯在訊而已具未也振精神之運

閼恨也

閼小恨也門內之事

越揚也

揚雖越可也詩曰淑問如皋陶

對遂也

彼以其位我以吾所聞可以遂矣

燬火也

非成物之火

懈怠也宣緩也

遇偶也

集會也遇偶也

曩曩也

莊子曰證曩今故證來爲曩證見爲今證往爲故

俛暇也

皇暇之時也傳曰三皇步五帝驟

宵夜也

懊忼也

爲其奧也故忼之家語曰此吾東家丘也

惕貪也

忘其有易之者徒見金是也

檣柱也

案唐石經宋本郭注作檣从木俗本从手旁非陸氏釋文亦作檣當以爲正

欹而檣之有主道焉彼所謂相扶持之爾

裁節也並併也

裁有餘併不足

卒既也

既盡而復莊子曰方死方生庶人曰死見死而已

慚慮也

君子思不出其位

將資也

資之也故將之鵠冠子曰不提生于不器

耑絜也

失會而後耑

遲迭也

矧況也

弓用矣矢可知也矧況可知也

虞廡也

取之如單鮮故也

逭逃也

見兆而去有官守者當如此故孔子去魯不脫冕而行王文公曰謝事而去如射之行矣

爾雅新義卷第四終

爾雅新義卷第五

陸氏

仁和宋大樽校

釋言

訊言也閒覩也

閒以見之爲閒訊不必見也以其言訊之

汙沆也

干扞也

干有扞而已無和難之事無制難之事

趾足也

老子曰知足不辱知止不殆此之謂也

跽朋也

月滿則闕失知止之義矣詩曰四牡騤騤騤行不止貌

襄駕也

襄卻也不窮其馬者也

忝辱也

心不逮天忝矣莊子曰盡有天

燠煖也

塊塹也

塹實也見壤皆空無塊也

將齊也

能齊之則能將之將齊之肆肆焉

餉餽也

可以彌物信則如之

啟跪也

瞻密也

夫所謂密亦在微也

開闢也

袍繭也

案郭注本繭有衣旁釋文云本亦作繭

障眇也



其礙也以有畛域

覲姑也

其肺肝難知姑也

鬻麋也

麋郭本作麋然可通用案釋文引字林云淖麋也

麋不分之名儒行曰粥粥若無能也

舒緩也

詩曰舒而脫脫兮言雖舒能有脫焉若宋其姬女

而不婦不能也

翮翬也

翮唐石經宋本郭注同近刻經典釋文及注疏本作翮案廣韻翮字注云亦作翮則二字

原通用顧氏金石文字記以翮字爲誤失之不可考耳

以此毒天下而民從之

黷翳也

翳以匿之用以翳焉

隍壑也

以隍爲壑

芟蹙也

蹙拔也拔而取之所謂流之求其流而已

典經也威則也

典書而已威神也夫神圖不能畫書亦不能傳也

苛姦也

苛生于有所妬

蒂小也

有所蔽則小

迷惑也

狃復也

非迷也以有所狃而爲之

逼迫也

非狃也以有不得已焉

般還也

班賦也

以其班賦記曰賜君子小人不同日

濟渡也

濟成也

濟益也

益坎在上既濟是也

緝綸也

絞鬱陶之時綸艸昧之時

辟歷也

更事閱理乃知所避

簌盞也

魚而盤之榮矣

寬綽也

袞黻也

容乃公宜能受拂亦袞盡于黻以黻該之詩曰黻衣繡袞黻衣袞也不言袞衣愧於言袞據袞衣繡裳所謂致美乎黻冕亦袞也所謂以黻冕命士會亦袞也蓋晉侯請服袞以命士會非以命之也

華皇也

華皇也唐石經宋本郭注經典釋文悉同注疏本誤倒作皇華也顧氏金石文字記據以

駁石經非也

昆後也

彌終也

彌縫終之事也

釋訓第三

經之訓詁猶易之象詩之比興倉頡之會意莊周之寓言

明明斤斤察也

明明文王之察斤斤武王之察明容光必照斤有界辨焉

條條秩秩智也

有條秩秩之事也卽神倒正無常

穆穆肅肅敬也

春秋傳曰德敬應和曰穆穆一而足肅雖二也於穆清廟文王也於穆特言盛德故也其言肅雖亦以此天子穆穆成王也穆穆累數德不足故也其數肅肅雖雖亦以此於穆在上穆穆在下亦以此諸諸便便辨也

便便與上言也諸諸所以語下故曰周公之誥繁而悉

肅肅翼翼恭也

靡靡優優和也

靡靡敎也優優政也據敷政優優

兢兢愬愬戒也

所謂兢兢業業以事叢害衆也

戰戰蹢蹢動也

書曰鳥獸蹢蹢蹢蹢動也來未有儀

晏晏溫溫柔也

業業翹翹危也

翹翹高而危僬僬高而懼譙譙條條亦放此以公在上救王室之亂故也

惴惴僬僬懼也



番番矯矯勇也

矯一往番有翻焉

桓桓烈烈威也

赳赳輕勁桓重而威所謂赳赳桓桓相濟之德桓桓武志赳赳武事

洸洸赳赳武也

詩曰有洸有潰洸張而已潰則橫出所謂江漢之潏著有洸而無潰

藹藹濟濟止也

所謂大夫濟濟士蹌蹌如此

悠悠洋洋思也

洋洋徧滿悠悠則有所焉

蹶蹶蹢蹢敏也

薨薨增增衆也

生則衆矣而死亦衆故曰甞甞衆多也薨薨衆多也若乃度越死生之域蓋寡矣

烝烝遂遂作也

挑之使烝達之使遂鳶飛魚躍是也卓彼雲漢爲章于天至矣

委委佗佗美也

有平易亦有委曲可謂美矣

怵怵惕惕愛也

赤子匍匐將入井人皆有怵惕之心焉

侃侃格格舉也

若舜格格禹禹稱臯陶

綦綦孽孽戴也

綦綦則以正孽孽庶也莊姜無子故人戴庶姜焉

慝慝媿媿安也

有慝弗辭有提弗棄非危迫也

祁祁遲遲徐也

遲遲則能祁祁亦祁祁故覺遲遲也上祁祁以此

丕丕簡簡大也

不一亦大簡亦大

存存萌萌在也

存存固在也萌萌方萌亦在也

懋懋懋懋勉也

懋懋自勉懋懋有所慕而勉

庸庸惺惺勞也

初無事也庸庸者或擾之惺惺者或騷之

赫赫躍躍迅也

赫赫君子之迅躍躍小人之迅

綽綽爰爰緩也

綽綽君子之緩爰爰小人之緩

坎坎墜墜喜也

坎坎非鼓也墜墜非舞也樂雖不足而意有餘莊  
子曰飲酒以樂爲主不選其具美

瞿瞿休休儉也

旭旭躋躋僑也

夢夢固非旭旭亦不可

夢夢訥訥亂也

訥訥不聽夢夢雖聽不審

爆爆邈邈悶也

心寔暴我而貌若有柔焉雖欲不悶不得也王文公曰邈有柔之貌而無其事雖近邈也

僂僂洄洄惛也

人則僂僂我逆而回之惛矣孟子曰宮之奇諫百里奚不諫可謂不知乎

版版盪盪僻也

蕩往而不反版有反而已

熾熾炎炎薰也

旱薰而已蒸或雨焉

居居究究惡也

子曰苟志於仁矣無惡也狐裘以居羔裘以朝羔裘以朝而自我人居居是之謂不恤其民

仇仇敖敖傲也

不能用我雖執我不釋仇仇猶敖敖也孟子曰直不百步是亦走也

眦眦瑣瑣小也

眦見此而已故彼有屋詩刺焉亦彼過此矣方方來今今也

悄悄慘慘慍也

慍陽也悄悄慘慘陰也詩曰憂心悄悄慍于羣小  
慍如醢焉悄悄有消而已

瘡瘡瘕瘕病也

瘡病于官縛瘕病于囚拘莊子所謂馬之死者十  
二三矣

殷殷惛惛

殷殷衆也惛惛獨也

忉忉惻惻欽欽京京

忉忉懷懷



仲仲不下也詩于仲仲言則降于繫綴言說于傷  
言夷以此

恹恹奕奕憂也

畇畇田也

畎畎耜也

畎畎利也耜利則人反文矣考工記曰馬力旣竭

輶猶能一取焉

原注文今作支寫

郝郝耕也

繹繹生也

生之無窮如此列子曰人又入于機

穞穞苗也

縣縣穞也

鋤而去之于其尚弱

捭捭穫也

若運斤成風能用其至故也

栗栗衆也

夫栗爲其積之多也

溔溔淅也

烇烇烝也

俛俛服也

紉潔也有所不取俵俵服也以每有求焉故曰拜服也

峨峨祭也

是祭而已非交神之道故曰濟濟容也卽慤以慤是在我者也璋禮南方正言奉璋以禮昊天爲正鎡鎡樂也穰穰福也

將將尚非樂也簡簡尚非福也

子子孫孫引無極也

愚公所謂子又有孫孫又有子

顯顯卽卽君之德也

記曰圭璋特達德也德在我而已彼以引以翼猶有所待

丁丁嚶嚶相切直也

丁丁相切正許許相許可朋友之道如斯而已

藹藹萋萋臣盡力也

藹或不齊

雍雍喈喈民協服也

雍或不皆

佻佻契契愈遐急也

宴宴粲粲尼居息也

哀哀悽悽懷報德也

儵儵嘒嘒罹禍毒也

儵儵踧也夫道踧固非矣然蕩亦不可故魯道有  
蕩齊子得肆焉

晏晏旦旦悔爽武也

臯臯琕琕刺素食也

琕琕急也上急則下緩猶或有補若大東急矣而  
爾亦急是之謂素食

懽懽搖搖憂無告也

憲憲洩洩制法則也

憲憲不可泄泄亦不可

譔譔謫謫崇譏慝也

譔譔不可謫謫亦不可

翁翁訛訛莫供職也

翁翁不可訛訛亦不可

速速蹙蹙惟速鞠也

速速不可蹙蹙亦不可

抑抑密也

密恂慄也卽揚有光輝矣

秩秩清也

粵峯掣曳也

易曰見輿曳其牛掣

朔北方也

朔蘓也死復蘓生終始之詞

不俟不來也

不俟不來也釋我行不來言此不俟以彼不來故

不遁不蹟也

不遁不蹟也釋念彼不蹟言此不遁以彼不蹟故

不徹不道也

勿念勿忘也

菱諼忘也

諼自忘菱使之忘

每有雖也

饔酒食也

僖喜爾雩有舞有號

雩有舞有號當是舞號雩也  
注文之首句蓋傳寫誤也

疏引孫炎云雩有舞有  
號新義蓋用孫說耳

舞號雩也

雨而舞不雨而號雩雨不雨未定也春秋書雩如  
此僖公初書雨已而書雩已而書大旱公之德衰  
矣



爾雅新義卷第五  
暨不及也

頃筐暨之可謂汲汲矣猶以爲暨書曰讓于稷契  
暨臯陶言不得已則臯陶可

爾雅新義卷第五終

爾雅新義卷第六

陸氏

仁和宋大樽校

釋訓

蠢不遜也

大邦爲讎可謂不遜矣詩言蠻荆以不遜玁狁以匪茹匪茹無義不遜無禮

如切如磋道學也如琢如磨自修也

切磋者以彼利器修此而成爲器也琢磨者以彼不善攻此而成爲善也

瑟兮僩兮恂慄也赫兮烜兮威儀也

烜唐石經宋本郭注經典釋文

皆从火旁釋文云烜者光明宣著今竝作𤇑據釋文則今本从口者未是金石文字記以从火者爲誤非也

瑟兮僩兮抑也赫兮烜兮揚矣

有斐君子終不可諼兮

懷之如此其文章可得而聞故也

道盛德至善民之不能忘也

所謂盛德尚在可以頌之域

既微且𤇑𤇑爲微

六勝則九重陰勝則陽微

腫足爲𤇑

凡詩刺人言下美之言上既微且煇螭首蛾眉顏如渥丹之類是也

是刈是穫鑊煮之也

原本上穫字从禾下鑊字从金與唐石經宋本郭注陸氏釋文

同注疏本二字俱从水

后織玄紃其本在此蓋知稼穡之艱難可以爲王矣知女功之勤勞可以爲王后矣

履帝武敏武迹也

武迹而已是豈其意哉故曰武未盡善也

敏拇也

張仲孝友

說者曰宣王使文武之才征伐與孝友之臣處內  
善父母爲孝

善若烝烝父不格姦

善兄弟爲友

據此父母師保也朋友兄弟也記曰主友之讎視  
兄弟兄之字从口言以口命幼而已若父然後有  
舉杖之事莊子曰兄則以嫗大親則已矣

有客宿宿言再宿也有客信信言四宿也

再宿曰信子路無宿諾進于人一等矣

美女爲媛美士爲彥

彥能厂下媛可以援下事人者以能厂爲美從人者以能援爲美

其虛其徐威儀容止也

儀可象容止則可觀焉

猗嗟名兮目上爲名式微式微者微乎微者也之子者是子也

徒御不驚輦者也

馬善驚輦而驚焉可謂敬慎矣

襁裼肉袒也

暴虎徒搏也馮河徒涉也

虎馮河小人之剛籛條戚施小人之柔

籛蔭口柔也

除不能俯遽也陳之籛條節矣卽設莞筵紛純無  
遽也

戚施面柔也

夸毗體柔也

婆娑舞也辟拊心也

舞斯辟故言舞而辟繼之

矜憐撫掩之也

老子曰寵爲下此之謂也

絨羔裘之縫也

絨卽絀也以爲它也故爲之域也凡絲一蠶所吐爲忽人之所忽常在于此十忽爲絲可致思焉五絲爲緇絲數漸著可聽而知也緇倍爲升所謂升數積此而升之升倍爲絨所以英裘蓋用此數故曰絨羔裘之縫也

殿屎呻也

幬謂之幬

俯張誑也

俯則舟用張則弓用老子曰雖有舟輿無所乘之



雖有甲兵無所陳之使民復結繩而用之

誰昔昔也

詩曰誰昔然矣言不知何昔如此若所謂振古振而舉之

不辰不時也

子不爲時潛龍也已不爲時亢龍也

凡曲者爲囿

有所畱則曲矣其謂之筍以此所謂狗苟亦以畱故也

鬼之爲言歸也

釋親第四

父爲考母爲妣

考能考而違之妣能比而從之春秋傳曰擇善而從曰比

父之考爲王父父之妣爲王母

不言祖王父嫌于不親三王家天下父老傳子子死而孫傳之所謂王父王母亦以此

王父之考爲曾祖王父王父之妣爲曾祖王母

不言曾王父母嫌于不尊

曾祖王父之考爲高祖王父曾祖王父之妣爲高祖

王母

父之世父叔父爲從祖祖父父之世母叔母爲從祖祖母

父之舅弟先生爲世父後生爲叔父

父子曰世兄弟曰及世則葉之謂也及則花萼之謂也

男子先生爲兄後生爲弟

男子謂女子先生爲姊後生爲妹父之姊妹爲姑

目言男子蓋引而進之也據女子謂兄之妻爲嫂弟之妻爲婦

父之從父舅弟爲從祖父

父之從父兄弟從父而別今父堂兄弟是也父之從祖兄弟從祖而別今父從兄弟是也

父之從祖舅弟爲族父

不言兄弟言舅弟言舅則有代之詞也

族父之子相謂爲族舅弟

族舅弟之子相謂爲親同姓

兄之子弟之子相謂爲從父舅弟

兄之子弟之子特言族舅弟之子累數親親之殺也

子之子爲孫

子又有子則于是當遜矣

孫之子爲曾孫

曾孫之子爲玄孫

玄有見之道而有不見焉

玄孫之子爲來孫

凡來在後不及見之名

來孫之子爲暋孫暋孫之子爲仍孫

暋孫後我仍孫仍我未改也雲孫九世矣于是爲  
盡公羊傳曰遠祖幾世乎九世矣

仍孫之子爲雲孫

雲孫亦言至是衆多如雲郭氏謂立者言親屬微昧來言有往來之親雲言輕遠如浮雲其名孫如此而世之庸妄人嗜利又欲以遺不知何人亦已惑矣

王父之姊妹爲王姑

曾祖王父之姊妹爲曾祖王姑

高祖王父之姊妹爲高祖王姑

父之從父姊妹爲從祖姑

父之從祖姊妹爲族祖姑

族父今父從兄弟族祖姑今父從姊妹于父之從  
祖舅弟言族父于父之從祖姊妹言族祖姑主內  
以親目外以遠也

父之從父舅弟之母爲從祖王母

父之從祖舅弟之母爲族祖王母

父之兄妻爲世母

父之弟妻爲叔母

父之從父舅弟之妻爲從祖母

父之從祖舅弟之妻爲族祖母

父之從祖祖父爲族曾王父父之從祖祖母爲族曾

王母

從祖祖父從祖祖母言祖不稱王親而不尊族曾王父族曾王母言王不稱祖尊而不親

父之妾爲庶母

祖王父也

祖于父王矣故禮湯不先契春秋不以父命辭王父命

舅兄也

兄況也弟可知也姊咨也若妹有謂之而已故妹或謂之媚女如也女爲如舅舊也姑故也有死之



端矣故謂我舅者吾謂之甥

宗族

祖且而已父矩也有義方焉母牧也能食之而已子孜也孜孜子道也宗尊也尊而宗之族湊也溫而湊貧賤斯離矣據奏者溫

母之考爲外王父母之妣爲外王母母之王考爲外曾王父母之王妣爲外曾王母母之舅弟爲舅母之從父舅弟爲從舅母之姊妹爲從母從母之男子爲從母舅弟其女子子爲從母姊妹

母黨

妻之父爲外舅妻之母爲外姑

以妻稱我親如此故我報而稱之如此言父之黨至高祖王父母母之黨至曾王父母今其言止此親親之殺也

姑之子爲甥

以吾父謂之甥故也

舅之子爲甥

以吾母謂之甥故也

妻之舅弟爲甥

以妻稱吾父爲舅故也

姊妹之夫爲甥

以稱吾父爲舅故也

妻之姊妹同出爲姨

妻之姊妹皆姨也經主言同出則以同出爲正卽非同出有不夷矣春秋傳曰接菑晉出也纘且齊出也

女子謂姊妹之夫爲私

非正親也詩曰譚公維私案譚子爵今從臣子之詞崇莊姜也

男子謂姊妹之子爲出女子謂舅弟之子爲姪謂出

之子爲離孫謂姪之子爲歸孫

女子以爲歸男子以爲出男子以爲離女子以爲至姪至也入人之室爲至

女子子之子爲外孫

女子同出謂先生爲妯後生爲娣

雖非同出先生亦妯後生猶爲娣爾而經主同出則以同所歸爲正故詩嘆出同所歸異也

女子謂兄之妻爲嫂弟之妻爲婦

不言男子蓋推而遠之也

長婦謂稚婦爲娣婦

娣婦謂長婦爲姒婦

姒嗣婦也

妻黨

婦稱夫之父曰舅稱夫之母曰姑

舊在舅姑則新在婦矣記曰舅姑降自西階婦降自阼階言著代也

姑舅在則曰君舅君姑沒則曰先舅先姑

非謂之君則著其家之大政尚有所與若舜雖受終而老猶巡守是也凡言舅姑舅在姑上謂其姑親而先舅也其論存歿姑在舅上不敢以戚舅也

謂夫之庶母爲少姑

夫之兄爲兄公

言公非復通有私恩也無服而爲位者唯嫂叔及婦人降而無服者麻鄭氏謂凡公于弟之妻則不能也女子謂姊妹之夫爲私雖無服情猶近

夫之弟爲叔

夫之姊爲女公

夫之女弟爲女妹

謂之爲妹則吾猶姊焉有可咨之道故也禮嫂叔不通問

子之妻爲婦

長婦爲嫡婦

衆婦爲庶婦

女子子之夫爲壻

壻之父爲姻婦之父爲婚

陽革而小因之陰昏而明合焉禮三十曰壯有室  
三十年爲一世所因必有革

父之黨爲宗族

母與妻之黨爲兄弟

急難猶有相求之道也

婦之父母壻之父母相謂爲婚姻

所謂君西酌犧象夫人東酌鬯尊如此

兩壻相謂爲亞

亞朋友之齒今俗呼友壻如此

婦之黨爲婚兄弟壻之黨爲姻兄弟

亦急難猶有相求之道詩曰婚姻之故言就爾居  
嬪婦也

爾婦而我賓之亦我賓之故爾婦也

謂我舅者吾謂之甥也

婚姻



釋宮第五

宮謂之室室謂之宮

所謂有虞氏之宮湯武之室如此故曰揖讓征誅  
其義一也

牖戶之閒謂之扃

吾依焉以于閒暇明其政刑畫斧則其孰敢侮我  
其內謂之家

見此以爲歸智在六下矣

東西牆謂之序

序堂上之事莊子曰倒道而言迂道而說人之所

治也安能治人

西南隅謂之奧

面缺西南則以不知背故也禮曰侑藏奧是歟

西北隅謂之屋漏

君子不欺暗而詩冀不愧屋漏望之以其次也

東北隅謂之宦

震乘之下動上止

東南隅謂之衺

交物則宜受垢焉務光稱伊尹強力忍垢如此

扶謂之闕

其失也以有域也楚人亡弓未能亡楚是已

根謂之楔

其根也乃所以爲契也

楸謂之梁

其爲楸也乃所以爲梁也

樞謂之根

甚隱也其可畏甚顯也

樞達北方謂之落時

今戶樞鑿北方爲溝以落門闔是也

落時謂之扂

坵謂之坵

坵毀也有坵乃可毀焉

墻謂之墻

艱難積累無非民事者據大版謂之業

鏹謂之朽樁謂之棲

樁甚爲之爲虔焉墁謾爲之而已雖飾猶汙

地謂之黝

黝幼也施于卑宐

牆謂之堊

堊亦或謂之墀言可與爲堊亦可與爲善墨子悲

絲以此卽面墻有惡而已

櫪謂之杙

椽杙者有數墮數矣有職者也周官所謂職人是已故孔子嘗爲乘田矣曰牛羊茁壯長而已矣

在牆者謂之揮

發而揮之救面牆之失

在地者謂之臬

效法之謂坤

大者謂之拱

與人共之其斯以爲大孟子曰大舜有大焉

長者謂之闕

物各有長在因任之而已

闕謂之臺

美成在久積累而成之

有木者謂之榭

此有植木爾然猶如此所謂林下一宿知是矣

雞棲於弋爲櫟

櫟進于機矣所謂傑俊在位如此傑以能立爲傑  
俊以能行爲俊非知時者莫能御也易曰時乘六  
龍

爾雅新義卷第六終  
鑿垣而棲爲塒

雞知時又棲以時亦時以爲期焉

爾雅新義卷第六終